

Politika Međunarodne federacije novinara (IFJ) o seksualnom uznemiravanju

Ova politika će biti distribuirana i skrenuta pažnja svih učesnika na početku svakog događaja IFJ-a.

IFJ nastoji potaknuti aktivno sudjelovanje svojih članova u sastancima, projektima, kampanjama i aktivnostima. IFJ se u svim svojim aktivnostima zalaže za najviše standarde profesionalnog i etičkog ponašanja. **IFJ je opredijeljen za osiguranje i promociju rodne ravnopravnosti.**

Svaki član ima pravo sudjelovati i biti tretiran sa dostojanstvom, jednakošću i poštovanjem. Bilo koja vrsta ponašanja ili zastrašivanja koje podriva ta osnovna prava je neprihvatljivo.

Svi učesnici koji učestvuju u događajima i aktivnostima IFJ-a moraju:

- • izbjegavati lične primjedbe ili ponašanje koje može prouzrokovati uvredu ili uznemirenje
- • prijaviti neprikladan jezik ili ponašanje ako ga vide ili čuju

IFJ ima pristup nulte tolerancije prema seksualnom uznemiravanju u okviru svojih struktura, događaja i aktivnosti.

Šta se podrazumijeva pod seksualnim uznemiravanjem?

Seksualno uznemiravanje se događa kada se pojavi bilo kakav oblik neželjenog verbalnog, neverbalnog ili fizičkog ponašanja seksualne prirode, posebno kada se stvara zastrašujuće, neprijateljsko, ponižavajuće ili uvredljivo okruženje.

Može obuhvatati:

- Neželjeni fizički kontakt, sugestivne primjedbe, prijedloge ili nagovještaje seksualne prirode; neželjene komentare o izgledu; verbalno zlostavljanje seksualne prirode ili ono koje je povezano sa spolom neke osobe; naginjanje; prikazivanje pornografskih slika
- Seksualno uznemiravanje usmjereno na ljude zbog njihove seksualnosti ili njihove percipirane seksualnosti. Lezbijke, gejevi, biseksualci ili transrodne osobe (LGBT) mogu se osjećati posebno ranjivim.

Prema ITUC i Vijeću za rodna pitanja IFJ-a, primjeri seksualnog uznemiravanja uključuju:

Fizičko uznemiravanje

- Dodirivanje, štipanje, milovanje, stiskanje ili namjerno prislanjanje uz nekoga
- Iznošenje homofobnih komentara i seksualno sugestivnih poruka
- Slanje neželjenih e-mailova, SMS i WhatsApp poruka ili poruka preko bilo kojeg drugog sistema za razmjenu poruka

- nepotreban fizički kontakt i dodirivanje
- Fizički napad

Verbalno uznemiravanje

- Davanje seksualnih komentara ili nagoveštaja,
- Prozivati nekoga seksualno orijentisanim nadimkom
- Pričanje šala o seksu ili ispitivanje o seksualnim fantazijama
- Uvrede na temelju nečijeg spola ili procjene njihove seksualnosti
- Usmjeravanje poslovnih diskusija na seksualne teme
- Zahtjevi za seksualnim uslugama

Seksualno uznemiravanje je:

- • Neželjeno
- • Nepoželjno
- • Osoba prema kojoj je usmjereno doživljava ga kao zastrašivanje, ponižavanje, uznemiravanje.

Suočavanje sa seksualnim uznemiravanjem:

Ako vas seksualno uznemiravaju - *ne morate to da trpite.*

- Nemojte misliti da ste krivi ili da ste to “tražili”. Imate pravo da vas ne uznemiravaju. Zapamtite, niste krivci Vi, krivac je on/ona.
- Zabilježite sve što se događa, uključujući datume, vrijeme, gdje se incident dogodio, šta je rečeno ili učinjeno, svjedoke, ako je moguće, i kopije pisama/e-mailova/poruka, ako su relevantni.

Neformalni pristup

- Ako imate dovoljno samopouzdanja, recite onome ko vas uznemirava da je takvo ponašanje nepoželjno i zamolite ga da prestane. Ponekad je dovoljan rani, odlučan odgovor da se spriječi eskalacija. *Ali ne brinite ako to niste učinili prvi put ili naknadno. Seksualno uznemiravanje može biti šok kada ga ne očekujete i nisu svi spremni da izreknu prave riječi, a ponekad je potrebno i malo vremena da shvatite o čemu se radi.*
- Ako se ne osjećate dovoljno samopouzdanim da razgovarate sa onim ko vas uznemirava lično - možete mu pisati/poslati e-mail ili eventualno zatražiti podršku kolega, člana Izvršnog

odbora IFJ-a, člana Vijeća za rodna pitanja ili nekog člana ili predstavnika vaše organizacije. Ali ako se ne možete suočiti sa zlostavljačem, ne brinite.

- Ako osoba koja je izložena neželjenom ponašanju želi da neformalno da izrazi zabrinutost i to zatraži, određeni predstavnik IFJ-a može odvojeno razgovarati s objema stranama, i posebno će obratiti pažnju na navode koje je iznijela osoba koja je subjekt uznemiravanja. Zatim će razgovarati obje strane, ako je moguće zajedno, ali obezbijedivši da se poštuje privatnost osobe u skladu sa njegovim/njenim željama, a pritom imajući za cilj da dođe do razumnog rješenja između obje strane.

Podnošenje žalbe

U svim navedenim okolnostima, razmislite o podnošenju službene žalbe. Možda će vam se ova odluka učiniti teškom, ali to svakako neće biti teže nego živjeti sa uznemiravanjem.

Ako su incidenti i/ili neželjena ponašanja ozbiljni i trajni, PODNESITE ŽALBU.

(Ovaj dokument je usvojen na online sastanku Izvršnog odbora IFJ-a 9.jula 2020.)